

KRISTALNA DJECA

Ljiljana Đurović

Kristalna djeca, kao nova generacija djece, dolaze otvarajući nam vidike svojim posebnim i zadržljivajućim talenima i sposobnostima. Indigo djeca, koja su prethodila Kristalnoj, rodjena su sa svjesnošću da je mnogo toga pogrešno u našem svijetu i da se to mora promjeniti. Indigo djeca su "revolucijom svijesti" stvorila uslove da prepoznamo i njegujemo ove generacije koje dolaze.

Misija Kristalne djece je da nas nauče da živimo u višim dimenzijama postojanja, a prije svega u Harmoniji, Miru i Ljubavi.

Svi mi smo stvorenici od energije i imamo svoja energetska polja. Neke energije mogu da se izmjere različitim instrumentima, a neke su toliko prefinjene i suptilne da ih nije moguće registrovati sa dostupnim tehnologijama, jer su takva biofizička energetska polja visokih frekvencija kakva imaju Kristalna djeca. Energetska polja ove djece su se razvila daleko više od polja dosadašnjih generacija, pa im ta snažna energija donosi svjesnost, nadarenost i spoznaje koje sežu daleko izvan onoga što mi smatramo normalnim. Energetska polja Kristalne djece su u dijamantnim bojama i potpuno različito se kreću od prethodnih generacija. Postoje ljudi koji mogu da percipiraju ta energetska polja i njihove boje, pa je tako i primjećena pojava Indigo, a kasnije i Kristalne djece.

Šta su to druge dimenzije postojanja? To je stvarnost koja postoji izvan naših 5 čula. Naše fizičko postojanje je tek dio veće stvarnosti kojoj ne možemo pristupiti ovim čulima. Neki ljudi su intuitivni, oni koriste

svoje "šesto čulo". Kada krenemo dalje ka drugim dimenzijama, krećemo se ka našem sedmom čulu, našoj višedimenzionalnoj svijesti. To je dar koji ova djeca donose - tajne našeg života i postojanja.

Zbog mira, harmonije i ljubavi koje nam donose, Kristalna djeca se vezuju za Neptuna i Veneru, koja je njegova oktava na planeti Zemlji. Pioniri Kristalne djece su počeli da se radjaju 1998. godine, a tek 2000. u većem broju. Astrološki gledano to se podudara sa ulaskom Neptuna u znak Vodolije, u kojem se nalazio kada je otkriven 1846. godine. Nije li to znak da se nešto važno desava? Neptun je egzaltiran u znaku Vodolije, pa otud on šalje svoje najfinije vibracije. Neptun, kao i čitava serija 12 je provodnik za različite entitete, pa samom pozicijom u znaku svoje egzaltacije on provodi nešto izuzetno kroz djecu rodjenu u ovom periodu.

Neka od ove djece se radjaju sa manjim ili većim psihičkim ili fizičkim smetnjama. Većina roditelja Kristalne djece nisu svjesni

posebnosti svojih mališana, pa smatraju da se oni ne uklapaju u društvo, jer su drugačiji. Zbog toga traže pomoć i pritiskaju ih da se pokore onome što je "normalno". Djeca postaju obeshrabrena, zatvaraju se u sebe i ne koriste svoje darove.

Kako da prepoznamo Kristalno dijete?

- imaju vrlo duboke kristalno plave ili tamne oči
- izuzetno su intuitivna
- često imaju dar telepatije
- društveno su svjesna
- znaju da upravljaju prefinjenim energijama, pa čak imaju isceliteljske sposobnosti
- izuzetno su saosjećajna, velikodušna i puna ljubavi
- ne podnose nikakvu vrstu sukoba i mirotvorci su, puni ljubavi i praštanja
- vrlo su mudri za svoje godine
- neusredsredjena su jer su u stanju da započnu više stvari odjednom
- vrlo su krhka - često se razbole od čudnih bolesti
- često se sjećaju prošlih života i iskustava izmedju njih
- komuniciraju sa nevidljivim priateljima - eteričnim bićima
- nekima je dijagnostikovan ADD, ADHD ili autizam
- nekada im smetaju ljudi i potrebno je da se osame da regenerišu energiju
- vole da borave u prirodi ili u vodi
- magneti su za ljude, drugi su prosto privučeni njima
- veoma su vezani za svoje roditelje, naročito majke
- majkama u trudnoći često pošalju neki specifičan znak svog budućeg dolaska

U analizi natalnih karata ove djece trebalo bi obratiti pažnju na poziciju **Nep-tuna i Venere**. Da bi propustili to fino biće kroz sebe Neptun mora biti povezan naročito dobrim aspektom sa Venerom, vladarem Ascendenta ili njegovim dispozitorom. Venera i Neptun mogu biti povezani sa izlažećom ili njoj odgovarajućom kućom. Neptun je viša oktava Venere, dok je ona njegov provodnik na Zemlji. Neptun ovim malim andjelima poklanja svoju nevjerovatnu intuitivnost, osjetljivost, proširenu percepciju, jaku unutrašnju vjeru i duhovnost. Kroz Veneru se to manifestuje u vidu pomirljivosti, stvaranja ljubavi i ljepote, radosti, harmonije i blagoslovenosti, koji u svakom momentu isijavaju i obasjavaju sve oko sebe.

Pogledaćemo ostatak **serije 12** i šta živi u njoj, jer je i to kanal za ispoljavanje snova, vizija, mašte, onog najfinijeg i božanskog u nama.

Obratićemo pažnju na vezu **Mjeseca i Urana**, serije 4 i 11 što je znak da su majke Kristala iz generacija Indigo djece, ali i Duše povezane sa Univerzumom i njegovom kreacijom.

Možemo očekivati aspekt **Marsa i Neptuna**, a to je znak da je ovim malim čarobnjacima data moć da iniciraju promjene ulivajući vjeru i nadu da zaista postoji svijet ljubavi i dobrote.


Pogledaćemo **serije 8 i 12** i njihovu povezanost, jer je i to znak da postoji san i vizija kojom se nešto mijenja. Za razliku od Indigo djece koja mijenjaju Uranovski, naglo, pobunom, razbijanjem, Kristali mijenjaju kroz Neptuna, na nafiniji mogući način. Kristalna djeca imaju mnoge **talente**, pa je prisutna povezanost serija **4, 12 i 8**, što je kod za talenat.

Zbog njihove intuitivnosti, empatičnosti i telepatskih sposobnosti mogli bismo prepostaviti da je i **Merkur**, pored **Mjeseca**, povezan sa **Neptunom**, **Uranom** ili, čak, **Plutonom**. Ove veze mogu biti u vidu dobrog ili lošeg aspekta, jer neka djeca, kako je navedeno, imaju i dijagnoze određenih poremećaja.

Primer 1 - Anastasija

NATAL CHART

17 November 2000
22:20:43
Standard time
Kotor, Montenegro
42 N 25 18 E 46
Time Zone: 1 hours East
Tropical Placidus



Ovo je horoskop moje čerke, koja sada ima 11 godina. Negdje polovinom trudnoće sanjala sam da me je predivna djevojčica uhvatila za ruku i dovela ispred kuće u kojoj sam odrasla. Taj san je bio nevjerojatno realan, da sam nakon budjenja još uvijek osjećala taj dodir na ruci. Tada mi je to bilo čudno, a sada znam da je ona mene tako

Dugi niz godina na Nebu je bio prisutan aspekt sekstila izmedju Plutona i Nepтуna koji je najavljuvao atmosferu promjena koje vode ka divnom, idealnom društvu, što je jedna od vizija Neptuna.

obavijestila o svom prisustvu. U njenoj karti je Merkur-kontakt na 6° Škorpiona, na 2° od vrha 4. kuće, koja označava početak života, i u sekstilu je sa Venerom na 5° Jarca koja vlada njenom 10. kućom koja opisuje majku. Mjesec, vladar 12. kuće u kojem živi Sjeverni čvor, je na 16° Lava na 2° od Ascendenta u 12. kući u trigonu sa Plutonom na

12° Strelca, koji vlada 4. kućom. Ovo je slika prenatalnog perioda odakle Duša upućuje svoju energiju kroz Plutona (vladara 4. kuće - početak života koji je na 2° od 5. kuće), jer se raduje budućem rodjenju. Koliko je bila nestrpljiva da ugleda svjetlost života govori i to da se rodila jedan mjesec prije termina. Mjesec je u oponiciji sa Uranom, a u ovom aspektu može biti sadržana slika prijevremenog rodjenja. U aspektu Mjeseca i Urana koji se ponavlja u ovim primjerima, možemo pronaći tipičnu karakteristiku Kristalne djece – neusredsredjenost. Oni su zbog snažne mentalne aktivnosti i višestrukih interesovanja u stanju da započnu nekoliko stvari odjednom, pri čemu ne mogu da se koncentrišu u dovršavanju istih. Ovo je za mene kao roditelja veoma frustrirajuće i teško je naći nešto što bi joj okupiralo pažnju, naročito u periodu ranog djetinjstva.

Anastasija je rodjena sa Ascendentom u Lavu. Sunce je otišlo u 4. kuću u znak Škorpiona. U ostalim primjerima vladar Asc je, takodje, povezan sa serijom 4, a to govori o povezanosti s majkom, ali i o povezanosti Duše sa svojim Izvorom, svojim svjetlom i onim što nosi u sebi. Na ovaj zaključak asocira izjava jednog djeteta: „*Znaš mama, Bog je jedna velika svjetlosna lopta i kad se rodiš on otkine maleni komadić te svjetlosti i da ga tebi.*“ Dispozitor vladara Asc je Mars u trigonu sa Neptunom, što je tipičan aspekt. Venera je na 5° Jarca u polusekstilu sa Neptunom na 4° Vodolije. Dispozicijom Venera odlazi u znak Bika na 27° odakle je ponovo u trigonu sa Neptunom orbisa 7. Vrlo je važno i to što je Venera u 5. kući, koja odgovara izlazećem znaku. U Veneri živi Mars koga egzaltira i Saturn kojeg dovodi u sjedište. Venera je u sekstilu sa Merkurom, pa

ona komunicira vedro, kroz igru i lakoću, ali iza toga se krije nevjerovatna izdržljivost i energičnost u namjerama. Ja sam uvijek gubitnik u svim našim neslaganjima, jer ona sve uspijeva da postigne na taj svoj poseban način. Jedino što može da je potrese je svadba i sukobljavanje, koje doživljava veoma lično. Izmišlja najrazličitije načine da pomiri suprotstavljene. U školi su djeca izložena svakodnevnim sukobima, pa je i ova osobina nešto što vremenom nestaje, jer jednostavno moraju biti grubi da bi zaštitili sebe.

Mars, dispozitor vladara Asc, koji vlada 4. kućom, je u velikom trigonu sa vladarima 8. kuće - Neptunom i Jupiterom. Talenti su veoma izraženi kod Kristala, kao i kod mog djeteta. Mjesec, vladar 12, je u trigonu sa Plutonom, vladarem 4 na vrhu 5. kuće. Mjesec je u Lavu, a vrh 8. kuće u Ribama, pa je ona jako talentovana za glumu. Ono što je u ovoj priči interesantno je to da je sa nekih 5-6 godina zapamtila tekst predstave od desetak likova i izrecitovala ga pred punim restoranom uspješno se prebacujući iz uloge u ulogu. Naravno, prisutni su bili oduševljeni, a ona je dobila veliki aplauz. Na žalost, ove divne i neobične stvari je bez stida i straha izražavala sve dok nije krenula u školu. To je iz razloga što se u klasičnim školama očekuje od djece da se uklapaju u šabline, da ne bi bili pod pritiskom ili doživjeli zadirkivanje ostale djece. Malo je pedagoga koja njeguju kreativnost i slobodu kod djece, ali ne možemo ih osudjivati, jer nisu sva djeca ista.

U uzrastu od 3-4 godine izjavila je još nešto što me je dobro zamislilo i nisam mogla da shvatim kako tako malo dijete može da izgovori takvu misao. „Slušaj mama, mi ne živimo samo sada i ovdje, nego smo već negdje živjeli prije nego što smo se rodili.“

Razmišljala sam da li je negdje mogla da čuje nešto o ovome, ali to je bilo malo vjerovatno. Sada znam odgovor na ovu nedoumicu.

Jos nešto je fascinantno u vezi nje, a to je da joj se ništa ne može sakriti. Kada sam ostala u drugom stanju sa drugim djetetom, krila sam to od nje prvih nekoliko mjeseci. Ona je imala 6 godina i svima u vrtiću je ispričala da će mama da joj rodi bebu. Kada sam se osjećala loše, ona je bila pored mene govoreći da će da me izlijevi. Ova enormna intuitivnost se vidi kroz aspekt Mjeseca iz 12. kuće sa Plutonom vladarem 4. kuće, kao i iz trigona Marsa u kojem živi Merkur sa Neptunom, ali i polusekstila Venere, vladara 3. kuće sa Neptunom, vladarem 8. kuće. Ne pogrešiv je detektor za odnose medju ljudi-

ma - ona primjećuje namjere i osjećaje ljudi oko sebe, čak i onih koje ne poznaje.


Ona je preponosna što se ovdje piše o njoj, pa kada je pročitala tekst, rekla je da sam zaboravila da napišem kako sam htjela da je vodim kod psihologa kada je razgovarala sa svojim nevidljivim prijateljima.

Meni kao roditelju nije lako, čak ponekad pomislim kako bi bilo dobro da imam mirno i poslušno dijete. Osjećam da je u svojoj snazi ravnopravna sa mnom. Ipak srećna sam što je vrlo jaka, jer se mnogi roditelji bore sa slabostima svoje djece. Ona uspješno kanališe svoju prirodnu energiju, što, na žalost, nije slučaj sa svom ovom nadarenom djecom, što ću opisati u sledećem primjeru.

Primer 2 - Filip

NATAL CHART

11 November 2002
18:15:41
Standard time
Split, Croatia
43 N 31 16 E 27
Time Zone: 1 hours East
Tropical Placidus



Filip je jedno posebno dijete. On je izuzetno miran, dobar i poslušan. Asc je u Blizancima, pa očekujemo veselu, inteligen-tnu i pričljivu prirodu. Vladar Ascendentu Merkur je na vrhu 6. kuće, spaljen od Sunca i zajedno sa njime dio T-kvadrata. U ovoj teškoj konfiguraciji učestvuju Uran, Mjesec i Neptun koji su u opoziciji sa Jupiterom, dok ova opozicija pravi jake kvadrate prema Merkuru i Suncu. Ovo dijete je jako povu-čeno, preosjetljivo, malo govori, ali postiže izvanredne rezultate u školi i u sportu. Ovo je tipičan primjer Kristalnog djeteta kokem je potrebna pomoć i podrška, naravno pod uslovom da je prepoznat kvalitet i talenat u njemu, jer je mogao biti tretiran kao drugačiji. To je onaj slučaj koji je bio na granici da mu bude dijagnostikovan neki oblik autizma. Na sreću njegovih roditelja, koji su uložili enormne napore da ovo dijete izvu-ku, on sasvim dobro funkcioniše. Veliko je pitanje da li je on dovoljno jak da podnese teret T-kvadrata, ali se jasno vidi da postoji mogućnost da se energija usmjeri u pravom smjeru. Rješavajući T-kvadrat nailazimo na aspekte koji čine Kristale, što nam potvrđuje ovu prethodnu priču. Središnje planete su Merkur, koji je vladar Asc, i Sunce. Merkur je u Škorpcionu pa bi on mogao pored loših aspekata koji ga ugrožavaju, da ima ipak neku dubinu, snažnu logiku, a kasnije i za-interesovanost za pitanja onostranog i okultnog. Merkur je u konjunkciji sa Suncem, vladarem 4. kuće, pa je on, što je tipično, izuzetno vezan za majku. Sunce je vladar i 3. kuće, koja odgovara izlazećem znaku. Sunce je u Škorpcionu u 6. kući i u konjunkciji sa Merkurom, vladarem 1 i 5. Ovo dijete bi trebalo da radi nešto kreativno, zabavno, da stvara nešto, da se ne bi pojavila neka bolest, jer je ovo ipak 6. kuća. Presudan uticaj tu ima

i Saturn u Blizancima koji je u konjunkciji sa Asc, a živi u Merkuru. On osjeća ogromnu odgovornost za dešavanja oko sebe, što nije u skladu sa njegovim godinama. On je du-boko nesrećan zbog svake upućene kritike, zbog dječijih svadja, zbog loših ljudi, tužnih dogadjaja, on brine o egzistencijalnim pita-njima. Filip često kaže da je ljudima novac potreban da plate račune, kupe hranu, pone-ku igračku za djecu i da budu sasvim srećni i zadovoljni.

Dispozitori vladara Asc Merkura su Mars i Pluton. Merkur je u polusekstilu sa oba dispozitora, što mu pruža šansu da nadje način da ispolji kvalitet, a i povećava dubinu i intuiciju. Mars je u uklještenom znaku, u širem trigonu sa Neptunom, dok je sa Ura-nom, u kojem živi Neptun, ponovo u trigonu, a to je tipičan aspekt. Mars je u egzaktnom trigonu sa Mjesecom, što je aspekt dobar za borilačke vještine. Filip trenira karate, čime ojačava samopouzdanje i osvojio je nekoli-ko medalja na takmičenjima.

Venera je kod njega u kvadratu sa Nep-tunom, što znači da on ne može do kraja i skladno da izradi svoju unutrašnju potrebu za mirom, ljubavi i harmonijom. Ipak i taj kvadrat on rješava dispozicijom preko Mar-sa, čime Venera dolazi iz izgona u sjedište i u trigon sa Neptunom i Uranom. Ipak ona ostaje u uklještenom znaku pa će on više biti okrenut svom unutrašnjem svijetu i stvara-njem ljepote u njemu.

Uklještenost dispozitora vladara Asc, a i položaj Saturna na Asc, govore nam da je potrebno vrijeme i da će se Filip ostvariti ka-snije u životu.

Pogledaćemo i serije 8 i 12. Vladari 8. i 12 . kuće su Venera i Saturn koji su u tri-

gonu i dio su velikog trigona sa Uranom u kojem žive Mjesec i Neptun (4 i 12). Ovo je znak talenta, dok je egzaktan trigon Marsa i Mjeseca dio velikog trigona sa Asc. Pored talenta za sport, on je nevjerovatno precizan i pedantan, pa će se vjerovatno pronaći i u još nečemu, gdje će moći da izrazi darovitost koju nose ovi veliki trionti.

Vladari 6. kuće Mars i Pluton su u jeku sekstila, pa ga podržavaju da izdrži i podnese potrese i okolnosti koje donosi T-kvadrat.

Mjesec je u Vodoliji u 9. kući u aplikacionoj konjunkciji sa Uranom i u separacionoj sa Neptunom. Ovo je tipično za Kristalnu djecu. Mjesec vlada 2. kućom, pa će njegovi sistemi vrijednosti biti sasvim neobični, ispred svog vremena, obojeni nježnom, suptilnom, finom vibracijom.


Filipova majka bi nam sigurno ispričala mnoge njegove neobične i humane gestove i zapanjujuće izjave, ali svi to nekako sebično i bojažljivo čuvamo za sebe.

Dok sam tražila djecu sa tipičnim osobinama Kristala, razgovarala sam sa mnogim majkama. Zanimljivo je da majke koje imaju sasvim zdravu djecu većinom nisu upoznate sa fenomenom Kristalne, pa ni Indigo djece. One nisu toliko primjećivale posebnosti svojih mališana, već su njihove neobične izjave svrstavale u dječiju maštu. Majke djece sa nekim oštećenjem su mnogo više upoznate sa ovim fenomenom, jer su od njihovog rođenja suočene sa problemom i ulazu velike napore da na svaki mogući način pomognu svojoj djeci. Zato sam u ovom radu dobila najviše horoskopa djece koja imaju neki problem, što ne znači da medju zdravom djecom nema čak i više Kristala.

Primer 3 - Antonio

NATAL CHART

4 February 2008
14:35:33
Standard time
Split, Croatia
43 N 31 16 E 27
Time Zone: 1 hours East
Tropical Placidus



Antonio je četvorogodišnji dječak koji plijeni svojom inteligencijom. On je nevjerojatno nadaren za matematiku, pa već računa sa četvorocifrenim brojevima nevjerojatnom brzinom. Kada pogledamo njegovu 3. kuću sa Južnim čvorom i Saturnom u konjunkciji, zatim retrogradnog Merkura u konjunkciji sa Neptunom, mogli bismo donijeti ishitren zaključak o ne baš izraženoj inteligenciji. Sunce, vladar 3. kuće, je u izgonu, što doprinosi ovoj pomisli. Južni čvor na samom vrhu 3. kuće ovdje govori o inteligenciji nasledjenoj iz prethodnih inkarnacija, a Saturn potvrđuje karmičku priču. Retrogradni Merkur govori o podsjećanju na nešto čime se osoba već nekada bavila i sada

to provodi kroz sebe. Neptun je na samom stepenu svoje egzaltacije u jakoj konjunkciji sa Merkurom, pa bi to bila slika nekog izuzetnog bića koje govori kroz ovo dijete. Vladar 3. kuće i dispozitor Južnog čvora je Sunce na 15° Vodolije, u egzaktnoj konjunkciji sa Kironom, na kraljevskom stepenu, što potvrđuje priču o nekoj posebnoj inteligenciji koja živi u ovom djetetu. Stelijum Sunca, Kirona, Merkura, Neptuna i Sjevernog čvora je u Vodoliji, u 8. i 9. kući, pa možemo prepostaviti da se nazire potencijal za nadarenog naučnika, vizionara, humanistu, filozofa, učitelja. Sunce, vladar 3. kuće je u polusekstilu sa Venerom vladarem 11, a sa druge strane u konjunkciji sa Merkurom,

svladarem 3. i vladarem 12, pa u konjunkciji sa egzaltiranim Neptunom. Ovo je više puta potvrđena veza serija 3, 11 i 12, čime imamo sliku blistavog uma, a kruna svega je Uran na Ahernaru u kojem žive sve planete. On obećava da će prevazići karmu predaka, ispraviti greške i izaći iz Podzemne rijeke. Pluton na 0° Jarca može započeti neku novu priču koje kreće iz čiste, duboke ljubavi, jer i vrh 5. kuće je na 0° Škorpiona.

Ascendent tek što je prešao stepen egzaltacije Jupitera, pa ovo već govori o nježnoj, dobroj i optimističnoj Duši koja dolazi pravo sa mesta stvaranja, radjanja svega, najvećeg znanja, sa Izvora. Zar Merkur, vladar 4. kuće, u konjunkciji sa egzaltiranim Neptunom ne govori to isto?

Mjesec je vladar Asc, pa svojom pozicijom u znaku Jarca, blizu stepena pada Jupitera, a on sam je već u izgonu, u 6 kući, govori o nekoj slabosti osobe. Jupiter vlada 6. i 10. kućom, u opoziciji je sa Asc, pa eto bolesti. Antonio je rodjen sa suženjem krvnih sudova povezanim sa srcem i sa cistom na mozgu - Jupiter u padu, Mjesec u izgonu u 6. kući. Dispozitor je Saturn u Djevici na 6, koji izvlači maksimum iz ovog stelijuma (Plutona, Jupitera, Venere i Mjeseca) u Jarcu. Za sada on je sasvim dobro, ali samo pod uslovom da živi pod strogim režimom.

Kodovi tipični za Kristalnu djecu kod njega idu kroz Urana u Ribama u kojem živi Neptun. Uran je u sekstilu sa Mjesec-


om i Venerom, pa je to kao da je i Neptun u sekstilu sa ove dvije planete. Ovo su dva tipična aspekta. Mars je u trigonu sa Neptunom, što je tipično, takodje. Spoj serija 8 i 12 je višestruk. Preko vladara 8. i 12. kuće - Urana i Merkura koji žive u njemu, zatim preko Saturna i Merkura koji su u recepciji (Saturn u Djevici, Merkur u Vodoliji). Kroz ovu recepciju se rješava opozicija prirodnih vladara 8, Marsa iz 12. kuće i Plutona, jer je Merkur dispozitor Marsa, a Saturn Plutona. Kao i u prethodnim primjerima, istražujući spoj ovih serija nailazimo na kodove za talentat bilo u formi velikog trigona ili kroz povezanost 4, 12 i 8. Vladar 12 i 4 ovdje je Merkur koji je već u 8. kući, dok je dispozitor Merkura Uran, koji je i vladar 8. kuće. Neptun, prirodni predstavnik serije 12 je na stepenu egzaltacije u 8. kući. Drugi vladar 8. kuće je Saturn u trigonu sa Jupiterom i Plutonom predstavnicima serija 12 i 8.

Antonio je vedro, razigrano i milo dijete. Još uvijek je mali, ali već emituje svoje pozitivne vibracije na okolinu u kojoj je veoma omiljen. Veoma je uporan u ostvarivanju svojih ideja, pa kada mu nešto nije dozvoljeno on kaže: „Dobio sam informaciju iz mozga da to moram uraditi.“ Veoma neobično za njegove godine, kao uostalom i sve u vezi njega.

Primer 4 - Vasilisa

NATAL CHART

12 December 2003
11:30:31
Standard time
Podgorica, Montenegro
42 N 26° 19 E 14
Time Zone: 1 hours East
Tropical Placidus



Vasilisa je rođena sa hemiparezom, ima slabost ruke i noge sa lijeve strane, a slabije je i govorila. Uprkos ovakvom hendikepu, naporno vježbajući ona je mnogo napredovala. Sa svojih 8 godina ide u muzičku školu, svira klavir čak i lijevom rukom! Vasilisa je i član umjetničkog društva u kojem igra folklor. U školi je odličan djak!

Koliki je stepen svjesnosti i koliko ljubavi i harmonije Kristali nose u sebi reći će nam primjer ove nevjerovatne djevojčice. Nedavno u školi, dok su razgovarali o bajci „Pepeljuga“, Vasilisa je kazala svojoj učiteljici: „Da, svi žale jadnu Pepeljugu, ali ja mnogo više žalim mačehu. Ona je jako nesrećna kad toliko mrzi Pepeljugu“.

Učiteljica je pozvala majku rekavši joj da njen dijete ne pravi razliku izmedju dobra i zla. Učiteljica nije ni svjesna koliko je to dijete prevazišlo nju svojom širinom i kakav je njen sistem vrijednosti.

Ascendent je na 8° Riba, na srećnoj zvijezdi Skat, što već daje jedan zrak svjetlosti ovom djetetu koje nosi veliki teret. Vladar, Jupiter je u Djevici u znaku svog izgona na 18° (Djevica - bolest). Jupiter je u T-kvadratu sa kazimi konjunkcijom Sunca (vladara 6.) i Plutona (vladara 9.) i sa Marsom (vladarem 2. i 9. kuće). Mars i Pluton su suvladari 8. kuće, jer se u njih velikim dijelom nastavlja znak Škorpiona. Ovo je znak bolesti, ali i brojnih drugih ograničavajućih okolnosti. Dispozicija

preko Jupitera (Pluton i Sunce su u Strelcu, Mars u Ribama) i Merkura (Jupiter u Djevici), koji su u trigonu, nam govori da se može naći modus da ona bude bolje. To može ići kroz neku intervenciju, razne oblike isceljenja, puno ljubavi, zadovoljstva, stvaranje, ali i kroz neku filozofiju optimizma i pozitivnosti. Centralne planete T-kvadrata su Sunce i Pluton koji su u egzaktnom polusekstilu sa Venerom koja je u 11. kući. U Veneri živi Sjeverni čvor i kroz nju ide poruka koju nam šalje ovo dijete. Ono što nju lomi i što joj je donijelo bolest ona kanališe kroz ljubav, ljepotu, dobrotu i umjetnost. Venera, vladar 3. i 8. kuće, je u trigonu sa Jupiterom orbisa 1°, što nam potvrđuje finoću njenih misli i namjera. To je ono što nju regeneriše, ali i poziva one koji su svjesni da čuju njenu poruku. Opozicija koju Venera trpi od svog dispozitora Saturna će ukazati na razočarenja i trpljenje, ali i na prepreke na koje nailazi u društvu. Venera se okreće Jupiteru, ne žali, jer u svojoj muci koju i on osjeća oni zajedno stvaraju samo dobro.

Spoj Venere i Neptuna kod Kristala je tipičan, a ovdje se on kanališe sasvim neobično. Venera je u aspektu od 40° - nonagonu, sa Uranom u kojem živi Neptun. Ovaj aspekt ima harmonizirajuću prirodu. On je nastao kao trećina trigona i ima prirodu Jupitera i Neptuna! Jupiter je u trigonu sa svojim dispozitorom Merkurom, ali ga on vodi u pad u znak Jarca i u opoziciju sa Saturnom. Ovo nije srećno za nju, donosi probleme u vremenu. Ono što je dobro je da je opozicija Saturna i Merkura u trigon-sekstilu sa Asc, pa će ona uz pomoć bliskih ljudi i svoju urođenu istrajnost i strpljivost da pomogne себи i izdrži udarce. Merkur, dispozitor vladara Asc, je u konjunkciji sa Kironom orbisa 6° i sa Venerom orbisa 9°. Zar nije to slika nje

koja „ranjena“, sa bolom igra, pjeva i svira, nalazeći smisao u tome?


Pogledaćemo njenu 12. kuću u kojoj se vidi njen unutrašnje biće, ono od čega je nastala i što joj pruža podršku. Ovo je kuća analogna izlazećem znaku. Dvanaesta kuća počinje u Vodoliji, tu je egzaltirani Neptun na 11°, drugi vladar Asc. Ovo govori o bolnicama u kojima je provela dosta vremena. Vladar 12. i dispozitor Neptuna je Uran, takodje u 12. kući na 29°. Da bi Neptun dao svoju podršku on mora osjetiti potpunu slobodu. On je u 12. kući, pa ovo dijete ima svoju duboku i iskrenu ličnu vjeru, ali i potencijalni strah da to ispolji. Ovo je jedan od primjera gdje postoji opasnost da se dijete zatvori u sebe i ne ispoljava svoje darove, jer ne nailazi na podršku okoline. Neptun je u kvinkunkusu sa svojim drugim dispozitorom Saturnom, što opet govori o problemu sa ispoljavanjem svoje unutrašnje prirode. Dispozitor Neptuna je i Uran, a Saturna Mjesec, a Uran i Mjesec su na 29° Vodolije i Raka, pa nam to govori da ona ima jaku potrebu da se izrazi i pokaže svijetu ljepotu, bogatstvo i neslućene razmjere svoje Duše. Kvinkunks ne obećava lak protok energije, a spoj Urana i Mjeseca je tipičan.

Tipičan je i aspekt Marsa i Neptuna, a ovdje Mars živi u Neptunu. Mars je u Ribama na stepenu egzaltacije Venere, pa je to njena snaga, a ono čime ona stvara, djeluje je Ljubav - umjetnost, radost... Isto to radi Venera kojoj egzaktan polusekstil sa kazimijem Sunca i Plutona daje svijest i moć da zaista mijenja i transformiše. Mars je u trigonu sa Mjesecom, što doprinosi izuzetnoj intuitivnosti i osjećaju za energiju. Talenat ćemo pronaći u vladarima 8. i 4. kuće, Veneri i Merkuru koji žive u Saturnu, vladaru 12. koji se nalazi u 5. kući. Neptun je egzaltiran u svojoj 12. kući.

Primer 5 - Kali Luna

NATAL CHART

3 November 2002
17:25:32
Standard time
Stockholm, Sweden
59 N 20 18 E 03
Time Zone: 1 hours East
Tropical Placidus



Kali Luna je rodjena sa Ascendentom u Blizancima. Saturn u blizini Asc će umanjiti veselu i lepršavu prirodu ovog znaka, dajući joj dozu ozbiljnosti, upornosti i istražnosti. Kali je veoma odgovorno dijete, što takodje daje Saturn. Vladar Asc je Merkur u Škorpionu u 6.kući u trigonu sa Saturnom na Asc pa će ona odavati utisak da iz nje govori neka starija osoba. Stelijum u 6. kući čine: Mjesec, Merkur, Venera i Sunce. Mjesec vlada 2.i 3., Merkur uklještenom 5. i 1., Venera 6. i uklještenom 12., a Sunce 4.i5. kućom. Možemo samo zamisliti kakav je njen uobičajen dan(6. kuća). Sigurno je kako vrijedna i završava sve svoje obaveze. Vladar 3.kuće- Mjesec, je u konjukciji sa

Merkurom i u trigonu sa Saturnom,pa ona ima nevjerovatan spoj razuma i emocija ili drugačije rečeno emocionalnu inteligenciju i empatičnost uz istovremenu samokontrolu i stabilnost. Venera i Merkur joj daju lakoću, dopadljivost, ali istovremeno i veliku dubinu i analitičnost.Ona nije od one djece koja će prihvati uobičajene odgovore na pitanja napr. o životu i smrti, koji im se pružaju.Ona zahtjeva smisleno objašnjenje koje će zadovoljiti njenu duboku inteligenciju.Sunce vlađa 4. i 5., pa sa Merkurom i Venerom(vladari uklještene 5. i uklještene 12.) donosi svjetlo kojom je ispunjena Duša ovog djeteta i njeno unutrašnje biće.To je ono što ona radi sada kada je dijete:razmišlja, govori, crta,

pjeva, igra, raduje se i kroz to obasjava okolinu. Kada odraste naučiće mnoge načine da pomaže ljudima, pa joj to može postati i profesija, jer se veliki potencijal krije u ovom djetetu.

Ono što je tipično za Kristalno dijete je Mjesec u aspektu sa Uranom. Ovdje je to egzaktan trigon preko 24° Vage i Vodolije što nam govori o nevjerovatnoj mašti, intuiciji, humanosti, plemenitosti, neprestanom impulsu da se stvara nešto novo što će biti dobro za sve. Mjesec je veoma važan za nju jer je vladar odgovarajuće kuće I govori o njenoj glavnoj mentalnoj usmjerenošći. Kali voli svoje drugare i uvijek je spremna da im pomogne. Ljubav prema životinjama je prikazana u ovom stelijumu u 6. kući, kroz konjukciju Venere sa Merkurom i Suncem. Uran i Mjesec su dio egzaktnog Velikog vazdušnog trigona sa Asc preko 24° stepena.

Kod Kali su Venera, Merkur i Sunce u kvadratu sa Neptunom. Ovo opisuje njen magični svijet, način njene komunikacije sa nevidljivim prijateljima-eteričnim bićima i njene posebne rituale. Roditeljima ili nekome drugome to može izgledati vrlo čudno, zato je to ovdje opisano kvadratom. Ovaj kvadrat postaje trigon preko Marsa, što je aspekt koji se ponavlja kod Kristala. Kali je uvjerila svoje bližnje, da je ona ne čudno, nego posebno nadareno dijete i zahvalna im je što su to prepoznali.

Sunce, vladar 4. i 5. kuće je u T-kvadru tu sa Jupiterom i Neptunom. U ovom uzrastu to se može ogledati u neprihvatanju okoline njenih naprednih stavova, razmišljanja, unutrašnjih stanja i onoga što se kreira iz toga. Možda je pretjerano iskrena što često nije priyatno, jer djeca nekada jasno izjave da im se neko ne dopada, npr. to se rješava dispozicijom preko Marsa, koji je u trigonu sa Neptunom. Ona će svima dokazati da je u pravu, ubijediće ih na svoj poseban čaroban način. Kasnije se taj problem može pojaviti u odnosima, osjećaju bliskosti, ljubavi i pitanjima lične slobode.


Pogledaćemo seriju 12 u ovom primjeru. U 12. kući su čak 3 znaka - Ovan, uklješten Bik i Blizanci. Ova kuća je važna i iz razloga jer je to kuća koja odgovara njenoj Lunarnoj fazi. To je njen put. Mars, u kojem žive i ostali vladari 12, je u trigonu sa Neptunom, pa je to njena čarolija, avantura kojom se iz srca i Duše stremi ka svojoj viziji i svome Svjetlu.

Kalini talenti se vide u egzaktnom Velikom trigonu Mjeseca, Urana i Asc, kao i u velikom trigonu koji Mjesec i Uran grade sa Saturnom vladarem 8. kuće. Saturn je u trigonu i sa Merkurom i Venerom, vladarima 12, Jupiter u 4. je u egzaktnom trigonu sa Plutonom.

Primer 6 - Milivoj

NATAL CHART

18 June 2002
8:40:16
Daylight Saving Time
Kotor, Montenegro
42 N 25 18 E 46
Time Zone: 1 hours East
Tropical Placidus



Kada se opustimo i duboko vjerujemo, što jeste Neptun, onda i Univerzum dovede stvari u pravi red. Tako sam i došla do podataka o ovome djetetu. Čula sam priču o njemu, ali nisam znala kako da nabavim podatke. Tako sasvim slučajno sve se složilo za trenutak... U njegovoj 3. kući je Mjesec na 0° Vage, a tu je moja Venera. Mjesec, vladar 12. kuće je u trigonu sa Merkurom u Blizancima u 11. kući. To bi mogla biti slika žene koja uči astrologiju i koja piše o njemu, piše nešto neobično, o Duši u kojoj žive ljubav, mir i harmonija. Isti ovaj aspekt govori i to da je ovaj dječak ponekad govorio neki čudan, nepoznat jezik. Merkur je vladar 3. i 11, a Mjesec 12. kuće. Merkur je na 4° , a trigon sa

Mjesecom je orbisa 4, pa to upućuje na jezik kojim se govori tamo odakle potičemo. Dok sam čitala literaturu o Kristalima naišla sam i na takve slučajeve zabilježene od strane stručnjaka koji su istraživali ovu temu. Oni navode da se neka djeca sjećaju jezika koji su govorili tamo odakle potiču - iz drugih dimenzija, za koje mi nismo ni svjesni da postoje.

Ono po čemu je Milivoj izuzetan je njegov talenat za slikarstvo. Njegova majka je slikarka, takodje. Procitala sam i to da Kristali biraju svoje roditelje. Njegove slike su nevjerojatne, upečatljive, žive. Često slika Sunce, Mjesec, zvijezde, planete. Svaka slika ima veliku dubinu i vrlo važnu poruku. Dovol-

jan je samo trenutak da ih neko pogleda i shvati kakav je unutrašnji svijet ovog djeteta. Na jednoj slici inspirisanoj Šopenovom muzikom on slika čovjeka koji se uzdiže ka Nebu. Iznad njegove glave je oreol sa srcem u njemu, što predstavlja ljubav. Na nebnu je klavir, notni sistem i mnogo srca-ljubavi. Iznad svega je ogromno Sunce sa srcem u njemu. Drugi crtež je još interesantniji. Tu su mnogi slojevi zemljine kore koju ljudi iskopavaju, dok se „Marsovci“ čude šta oni to rade. Ljudi žive u staklenim kupolama, jer je sve zagadjeno. Zatim slika Kosmosa - kako ga on vidi. Kosmos je inače grčka riječ koja je prvo bitno označavala red, ljepotu i harmoniju.

Milivoj je Lav na Asc. Venera je u 12. kući u konjunkciji sa Asc orbisa 5°. Pored slikarstva, on obožava muziku, a pohadja i školicu glume. Venera na Asc ima jaku potrebu za ljubavlju, mirom, harmonijom, umjetnosti. Venera je u egzaktnom sekstilu sa Merkurom i u sekstilu sa Mjesecom, čiji je dispozitor. Merkur i Mjesec su u trigonu, a vladaju 11. i 12. Kroz ovu konfiguraciju on ispoljava svoje vizije, sjećanja, imaginaciju, dok slike svog predivnog unutrašnjeg bića prenosi na papir. Merkur je u trigonu sa egzaltiranim Neptunom, što govori o direktnoj konekciji sa tim uzvišenim Bićem. Kakva je to inspiracija, fantazija, osjećaj koji ponire duboko i daleko, pa kroz spretan potez ruke pretoči maštu u stvarnost.

Venera je u oponiciji sa Neptunom, pa i on kao i ostala djeca ima svoj magični svijet. Oponicija postaje trigon dispozicijom preko Sunca na 26° Blizanaca i Urana na 28° Vodolije. To je onaj tipičan aspekt koji se ponavlja kod svih Kristala.

Navedeno je da Kristalima ljekari često dijagnostikuju poremećaj pažnje ili hiper-

aktivnost. Svakako da postoji taj poremećaj kod neke djece. Kristalna djeca, zbog svoje proširene svijesti munjevitom brzinom sakupljuju i obraduju informacije. Ostala djeca pokušavaju da ih sustignu koristeći svoju linearu logiku povezujući informacije jednu za drugom. Talentovanom djetetu je već dosadno i ono postaje nemirno, tražeći nešto novo da mu zaokupi pažnju. Takvo ponašanje u školi se proglašava nedoličnim. Milivoj često zna da prošeta po učionici i često ispravlja svoju učiteljicu dok predaje, jer on ima svoje čvrste stavove i uvjerenja.

Vladar Asc je Sunce u Blizancima u konjunkciji sa Saturnom, vladarem 6. i 7. Saturn ugrožava Sunce, a tu je i kvadrat sa Mjesecom, vladarem 12. Ono što je dobro je da Merkur, dispozitor Sunca i Saturna, ima trigon sa Mjesecom. Ovo opisuje skladan Um, spoj emotivnog i intuitivnog sa raciom. Merkur vlada i 3. kućom, što potvrđuje prepostavku. Merkur je u svom znaku, ali u kvadratu sa Uranom u Vodoliji, vladarem 7. Zbog svog nemira, napetosti i neobičnosti on može imati problem u odnosima i ponašanju u bliskoj okolini i javnosti. On isto tako zna da bude veoma prijatan, jer Merkur ima egzaktan sekstil sa Venerom u kojoj živi Mjesec. Venera je vladar 4. kuće i velikog dijela 3. kuće.

Uran i Mjesec su spojeni kvinkunksom. Kao i u prethodnim primjerima ovo govori o unutrašnjoj tenziji i problemu pri slobodnom ispoljavanju pravog sebe. Mars je u kvinkunksu sa Neptunom, što nas opet navodi da on ima teškoće pri nalaženju načina da ispolji svoj zanos, ili jednostavno gubi volju, jer ne nailazi na prihvatanje. Zaista svi o njemu govore kao o čudnom, a njegov telenat je nešto što se usput spomene.

Analogna kuća izlazećem znaku je 5. kuća. Vladar je egzaltirani Jupiter u 12. kući i u njemu živi Pluton i Južni čvor. Jupitera ugrožava konjukcijom Mars u padu. Postoji realna opasnost za njega. On može u najmanju ruku da se povuče u sebe, samo tamo nalazeći svoj mir i sreću. To može biti isprovocirano nekim lošim odnosima i raznim prerekama na koje će nailaziti, kao i razočarenjima koja može doživjeti kada spozna sve loše što njemu nije srođno. Ovo može razviti razne strahove i destruktivnost i još veće probleme koji iz toga kreću. Njegovoj Duši je zaista potrebna harmonija, ljubav, mir, prihvatanje i razumijevanje u svakom trenutku.

Talenat ovog dječaka smo već opisali kroz Veneru, vladara 4 koja je u 12, zatim Mjeseca vladar 12 u sekstilu sa Venerom. Jupiter, vladar 8 je u 12 u konjunkciji sa vladarem uklještenog znaka u 4, Marsom. Drugi vladar 8. kuće egzaltirani Neptun je u oponiciji sa Venerom koja se dispozicijom pretvara u trigon.

Ono što je zajedničko svoj djeci je prije svega, kako smo i prepostavili, veza Venere i Neptuna. Ali ne smijemo zaboraviti ni Uran koji je tranzitirao znakom Vodolije i Riba u godinama kada su se radjala Kristalna djeca, pa su jedan drugome bili dispozitor. Kroz to se provlači mit o rodjenju Venere koja je nastala od Neptuna i Urana. Serija 12 je vrlo naglašena u svim primjerima.

U ovim primjerima potvrđena je prepostavka o povezanosti serija 8, 12 i 4, jer su sva djeca talentovana i vrlo intuitivna. Pored toga ova djeca imaju često i velike trigone.

T-kvadrat je čest u obradjenim horos-

kopima. To je vrlo teška konfiguracija, ali i pokretač akcije i promjene.

Aspekt Marsa i Neptuna se ponavlja u skoro svakom primjeru, kao i Mjeseca i Urana.

Primjetan je aspekt Marsa i Plutona u svim obradjenim horoskopima ovdje. Često je dobar pa podržava transformisanje i promjene koje djeca nose sa sobom, ali u nekim primjerima je i loš, pa prijeti opasnost i destruktivnost zbog nerazumijevanja okoline.

Primjećena je česta veza Venere i Merkura kao dvije planete tipične za radost, igru, lakoću kojom oni komuniciraju.


U svim primjerima je vladar 5 povezan sa 6 što bih protumačila tako da su oni donosioci Svjetla, kao mali andjeli (postoji i naziv lightworkers).

Čest je aspekt Marsa i Jupitera.

Venera u ovim primjerima osim poslednjeg je u znaku Jarca i Škorpiona. Možda je uzorak mali, a možda nam to govori da njena uloga nije laka. Da je u znaku u kome se dobro osjeća možda bi bila sama sebi dovoljna i pomalo „lijena“ što joj je srođno, za promjene. U skoro svim primjerima osim Antonia Venerina dispozicija je dobra.

U ovoj evoluciji ljudske vrste težimo da iskusimo spontano budjenje naše nadarenosti na neograničenim nivoima. Ova divna djeca nam to donose. Mi moramo da ih podržimo u njihovoј snazi i ličnoj moći. Generacije koje dolaze donose još više Svjetlosti, a njihove aure kroz pastelne nijanse prelaze u čisto bijelu boju.

Ovo su neki od Milivojevih crteža





Anastasija



Korištena literatura:

- Predavanja na Institutu za Astrološko Istraživanje i Edukaciju Johannes Kepler
- Children of Now by Meg Blackburn Losey